

Sámi Siida rs.

SÁMI SIIDA DOAIBMAPLÁNA 2007

1.Oppalohkái

Sámi Siida joatká Ohcejoga guovllu sámiid sosiálalaš, vuoigatvuodalaš, kultuvralaš ja almmolaš ekonomálaš vuoigatvuodaid ovddidanbarggu nugo njuolggadusat geatnegahttet. Maiddá oktasašbargu rastá riikkaid rájá gullá searvvi bargui. Dáid ulbmiliid ollašuttimii searvi ordne sierralagan doaluid ja deaivvadeamiid, fuolaha sohka buolvvaid oktavuodain ja ordne doaimmaid mánáide ja nuoraide.

Čearddalaš iešdovddu olis searvi ordne álbmotbeaivvi doaluid ovttas Sirpmá giliservviin. Jagis 2007 lea Sámi Siidda vuorru lágidit álbmotbeaidoaluid Ohcejogas. Searvi addá cealkámušaid áiggeguovdilis áššiin ja joatká servviid oktasašbarggu ovddidemiin.

Jahkečoahkkima dohkkehan doaibmaplána áigumušaid ollašuttin doibmet vuostas sajis searvvi stivra, čáli ja ruhtadoalli.

1.1. Sáme guovllu ovttasbargu

Sámi Siida váldá oasi Suoma sámiid guovddášsearvvi bargui áktiivvalaččat. Dát sáhtá dahkkot omd. álgagiid dahkamiin ja oassálastimiin čoahkkimiidda ja eará doaluide.

Ohcejoga sámesearvi Sámi Siida lea lahka Sirpmá valástallansearvvi, Badje-Deanu Siidda, Deatnogátti sámesearvvi, Deanu sámiid searvvi ja Sirpmá gilisearvvi. Dáidda ja vejolaš eará servviide dollo jievddalaš oktavuoha ja fievriduvvojit oktasaš doaimmat. Ee. Deanu lánvaáššit gáibidit ovttasbarggu rastá rájá. Dán ovttasbarggu álkidahttima várás searvvis doibmet ruoktosiiddut man bokte lea álkkit juohkit dieđuid dáhpáhusaid ja áiggeguovdilis áššiid birra ja doallat oktavuodaid.

Sámiid álbmotbeaivi 6.2.2007 ordnejuvvo ovttas Sirpmá valástallanservviin ja Sirpmá vánhennrádiin Ohcejogas. Sámi Siida lea juo álbmotbeaivvi ásaheami rájes ordnen ávvodoaluid ja dat leat sajáiduvvan bures maiddá hámi dáfos guvlui. Beaivái gullet kulturprográmma (mánáid juoigan/lávlun, juoigan ja eará kulturprográmma), ávvusáhka ja sámi mállásat. Ohcejoga ja Sirpmá álbmotbeaidoalut leat šaddan Deatnoleagi olbmuid lunddolaš deaivvadanbáikin. Searvi lea lágidan doaluid ovttas Sirpmá giliservviin ja vuoruid mielde ordnejuvvon Ohcejotnjálmme ja Sirpmás. Jagis 2007 lea Sámi Siidda vuorru váldit bádjelas doaluid praktihkalaš lágideami. Doalut lágiduvvojovvojit 6.2.2007 diibmu 18.30 rájis.

1.2. Valástallan

Searvi joatká sálevuoruid doallama ja ordne lahttuidasas valástallanbottuid ee, dolgespábbáspealuid. Dán ulbmilin lea álššaid dikšuma lassin lea lahttuidis sosiálaš oktavuodaid nannen. Dát ordnejuvvojit vejolašvuodaid mielde maid ránnjáservviin ovttas. Sáme gilvuide searvi oassálastá dárbbu ja

vejolašvuoda mielde.

1.3. Sohkabuolvvaid oktavuoha

Searvvi doaimmaulbmilin leamaš juo guhká čátnat sohkabuolvvaid oktii. Jagi 2007 buot doaimmain geahččaluvvo ovddidit sohkabuolvvaid oktavuoha ja árbevirolaš máhtuid ja dieđuid sirdašuvvan buolvvas nubbái.

1.4. Ruoktosiiddut

Searvi lea rahkadahtán ruoktosiidduid internehtii (www.samisiida.org) jagis 2005. Diehtujuohkin lea álkkimus ja beaktil internehta bokte. Siidduin mitaluvvo searvvi doaimmaid birra ja sáhtá almmustahttit cealkámušaid, beavdegirjjiid ja doaimbaplánaid. Daid bokte sáhtá maiddá gulahallat lahttuiguin ja eará servviiguin ja almmustahttit eará lagaš servviid almmuhusaid sin dahpahasaid birra. Ruoktosiidduid sáhtá geavahit ávkin servviid gaskašas gulahallama buorideamis. Siidduid bokte sáhtá maid alggahit Ohcejoga sápmelaččaide guoski ođđasiid buvttadeami ja vejolaččat web-áviisa almmustahttima. Ruoktosiiddut beivejuvvojit vahkkosaččat.

1.5. Ealáhusaid ovddideapmi

Searvi joatká ealáhusáššiid ovddideami. Dát dahkko maiddá ovttas eará servviiguin ja berošteaddjiiguin. Searvi čuovvu jođus leahkki lávva- ja eará servodatplánemii guoski gažaldagaid aktiivalaččat ja geahččala váikkuhit dáidda. Ordnejuvvo dárbbu mielde oktasaš deaivvadeapmi lagaš guovllu servviiguin.

Dán doaimma vuollái gullá maiddá goahtefidnu, man ulbmilin lea kártet goahtesajiid ja movttidahttit olbmuid daid árbevirolaš geavaheapmái. Dát guoskkaha báikkálaš olbmuid eanageavaheapmái. Searvi bargá ovttas ee. gielddain ja earáiguin dán áššis.

1.6. Vuoigatvuodain fuolaheapmi

Vuoigatvuodain ja boahhtevuodas fuolaheapmi, man várás stivra ásaha dárbbu mielde bargojoavku. Searvi váldá gergosit beali omd. čállošiid bokte dáidda áššiide.

1.7. Viidásut oahpahusa ožžodeapmi Ohcejohkii.

Searvi geahččala searaid mielde bargat dan ovdii ahte Ohcejohkii nanosmuvašii sámeoahpahusa dilli, omd sámelogahaga sajádat buorrána ja rádjaskuvla ollašuvvá.

1.8. Sáme giela ja –kultuvrra ovddideapmi

Searvi juohká sámegeiat skuvlalaččaide stipeantaid sin movttidahttiimii geavahit aktiivalaččat sámegeia ja váldit lasi oahpu. Searvi lasiha diđolašvuoda sámi dološ jáhku birra omd. sildedoaluid lágideami bokte.

Dasa lassin searvi ásaha sierra giellabargojoavkku guovllu gielladiliin fuolaheami várás.
- Giella- ja kultursiidda oččodeapmi ohpit.

1.9. Hálddahus- ja diehtujuohkindoaimmat

Stivrračoahkkimat, jahkečoahkkin, almmolaš háleštallamat, deaivvadeamit, ovddasteamit, oassálastin servodatdoaimmaide ja deaivvademiide, čoahkkimiidda jdd. Oktasašbargu eará servviid doaimmain ja eará servodatdoaimmiiguin. Oktavuodaid doallan (telefon, boasta, kopiat, e-boasttat jdd).

2. Sierra prošeavttat

2.1. Meahccemátki –prošeakta

Ulbmilin lea oahpasmuvvat Ohcejoga Njuohgárgo –guovllu historjai ja dán guovllu dološ eallima birrasii, báikenamahusaidda, guovllu geavaheapmai ja bálvvosbáikái ja guovllu boahtteáiggi áitagiidda (ee. ruvkedoaimma). Logaldallama Njuohgárgos doalla dán guovllu, historjjá ja luonddu dovdi ássedovdi, guhte diehtá sihke dološ badjedilis ja bálvvosbáikkiin.

Njuohgárgo bigálusgárddi lusa vázzojuvvo Njuorggán geainnus Jeagelveagi bokte ja gálvvut fievrriduvvojit Njallavári traktorgeainnu bokte, sáhttu dingojuvvo meahccejohtima áššedovdis. Oasseváldiide ordnejuvvo biilasáhttu Jeagelveadjái ja ruovttoluotta. Njuohgárgos idjadeapmi lea badjeolbmuid stobuin.

Oassálastiidda fállojuvvo liegga borramuš goappat beaivve Njuohgárgos. Mátkái váldojuvvojit eanemustá 20 oasseváldi.

Meahccemátki dahkkojuvvo mihcemaraid 2007 sulaid dahje lupmenáiggi maŋŋá. Dán prošeavttas ávkástallojit jagis 2005 čadahuvvon "Meahccemátki ja video" –prošeavtta oalle buorit vásáhusat. Dát plána lea sirdojuvvon ovddit jagi doaimmaplánas mii ii ollašuvvan ovddit jagis ekonomalaš ja olmmošlas sivaide dihte.

2.2. Sámebiktasiin garvodeapmi

Sámi Siida lea buvttadan guokte oanehisfilmma, ovttá sámi dálvebiktasiid ja ovttá sámi geassebiktasiid birra. Dálvebivttasfilmma "Dálvemáilmmi bivut" čájehuvvo Anáris skapmadoaluin algojagis 2007.

Searvi rahkadeahtta DVD-skearruide olggožiid ja juohka dasto daid sámevuovllu girjerajuide ja skuvllaide. Ovttá oasi dain searvi bidjá vuovdimassii.

2.3. Deaivvadeamiid oktasaš doaimma

Searvi lágida Deaivvadeamiid mánáide oktasaš riidenbeaivvi ja dasa lassin mánáide oktasaš buđaldanbeaivvi, man ulbmilin lea ráhkadit odđá sámegeiat spealuid.